



Borgarráð

### *Ljósleiðaravæðing dreifbýlis í Reykjavík*

Lagt fram til kynningar samkomulag milli Reykjavíkurborgar og Fjarskiptasjóðs um flýtingu uppbyggingar ljósleiðarakerfa í dreifbýli í Reykjavík.

Greinargerð:

Reykjavíkurborg sendi inn umsókn um styrk vegna ljósleiðaravæðingar í dreifbýli haustið 2018 til fjarskiptasjóðs. Þann 18. febrúar sl. samþykkti fjarskiptasjóður styrk til Reykjavíkurborgar að upphæð krónur 48.960.000 vegna þessa verkefnis sem yrði greiddur út árið 2021. Áætlanir gera ráð fyrir að heildarkostnaður verði um krónur 126.700.000 miðað við 131 tengistaði. Með samkomulagi þessu er hluti af styrkveitingu Fjarskiptasjóðs flýtt til ársins 2020 sem gefur möguleika á að hefja framkvæmdir strax á þessu ári. Mismunur á styrkuppþæð og heildarkostnaði er krónur 77.740.000 en borgarráð samþykkt þann 26. mars sl. 30.000.000 fjárveitingu vegna ljósleiðaravæðingu í dreifbýli sem hluti af flýtingu á verkefnum vegna atvinnuleysis af völdum Covid-19.

Gert verði ráð fyrir að bjóða út og byrja framkvæmdir á þessu ári og ljúka þeim á árinu 2021.

Óli Jón Hertervig

Hjálagt:

Samkomulag við fjarskiptasjóð dags. 12. júní 2020.

# Ísland ljóstengt

Samningur um flýtingu styrkveitingar  
frá árinu 2021 til tímabils samnings þessa skv.  
samningi frá árinu 2019 um styrkúthlutun  
til uppbyggingar ljósleiðarakerfa í dreifbýli

Reykjavíkurborg

**1. gr.**

**Samningsaðilar**

Fjarskiptasjóður  
Sölvhóls götu 7  
101 Reykjavík  
Kt: 530306-0110

Reykjavíkurborg  
Ráðhúsi Reykjavíkur  
101 Reykjavík  
Kt: 530269-7609

hér eftir nefndir annars vegar „fjarskiptasjóður“ og hins vegar „sveitarfélag“, gera með sér samning þennan um styrkveitingu vegna uppbyggingar ljósleiðarakerfis í sveitarfélaginu.

**2. gr.**

**Forsendur og gildistími samnings**

Vísað er til samnings fjarskiptasjóðs og sveitarfélagsins dags. 22. mars 2019 um styrkúthlutun til uppbyggingar ljósleiðarakerfa í dreifbýli sveitarfélagsins, hér eftir nefndur grunnsamningur. Þessi samningur byggir á þeim samningi.

**Með þessum samningi er greiðslum ársins 2021 samkvæmt grunnsamningi, flýtt yfir á tímabil samnings þessa, enda er framkvæmdum ársins 2021 flýtt yfir á gildistíma samningsins.**

**Samningurinn byggir á þingsályktun um sérstakt tímabundið fjárfestingaráttak, nr. 28/150 frá 30. mars 2020. Skilyrði fyrir fjárframlögum samkvæmt þingsályktuninni er að framkvæmdir skuli hefjast eigi síðar en 1. september 2020 og skuli vera lokið eigi síðar en 1. apríl 2021 og er það forsenda fyrir því að flýta fjármögnun verkefnisins frá 2021 til tímabils samningsins.**

**Gildistími samnings þessa er frá undirritun til 1. apríl 2021.**

**3. gr.**

**Breytingar og fyrirvarar**

Samkomulag þetta telst hluti samningsgagna grunnsamnings og gengur það framur öðrum samningsgögnum.

**4. gr.**

**Greiðslur**

Fjárhæð styrksins vegna 2020 er **48.960.000 kr.**

Fjárhæð styrks er óháð því hvað verkið kostar í heild sinni. Þannig breytist fjárhæð styrksins ekki þótt verkið verði dýrara en sveitarfélagið áætlaði í umsókn sinni um styrk. Fjárhæð verðbætist ekki. Fjárhæð styrks lækkar ef tengdir verða færri staðir en 95% staða sem samningurinn nær til. Lækkun styrks fyrir hvern stað sem ekki er tengdur umfram 5% af umsömdum staðafjölda er samsvarandi meðalstyrk vegna hvers tengds staðar í umsókn sveitarfélags.

Fjarskiptasjóður greiðir styrkinn með eftirfarandi hætti inn á bankareikning í eigu sveitarfélagsins.

*Handwritten signatures and initials in blue ink, including 'MM', 'JH', and 'KB'.*

1. 80% greiðast innan 10 virkra daga frá staðfestingu sammings fjarskiptasjóðs við sveitarfélag.
2. 20% í kjölfar yfirferðar og samþykkis sjóðsins á lokaskýrslu um verkið, sbr. eftirfarandi:

**Í lokaskýrslu um verkið skal koma fram lokauppgjör sammingsins sem tekur mið af stöðu verkefnisins, þ.e. fjölda tengdra staða 31.3.2021. Í lokaskýrslu skal einnig koma fram samantekt um verkið sem skal innihalda m.a. lýsingu á ljósleiðarakerfinu ásamt hnitsettum lista, á formi sem PFS leggur til og sér um, yfir þá staði sem tengdir voru og lýsingu á fyrirkomulagi eignarhalds og rekstrar og framkvæmd verkefnisins. Í skýrslunni skal vera mat á því hve mörg störf urðu til við framkvæmd þess, hvernig störfin skiptust milli kynja, lýsing á útboðs- eða úthlutunarferli, mat á arðbærni verkefnisins og áhrifum.**

#### 5. gr.

#### Samskipti á samningstíma

Aðilar skipa hvor fyrir sig fulltrúa sinn til að annast samskipti við gagnaðila á samningstímanum. Hlutverk þeirra verður meðal annars að hafa eftirlit með því að verkefnið sé framkvæmt samkvæmt ákvæðum sammingsins, yfirfara útfærslur og hönnun ljósleiðarakerfisins, yfirfara frávík og breytingar á verkefninu og annast almenn upplýsingaskipti á samningstíma.

Tengiliður fjarskiptasjóðs: Ottó V. Winther, [otto.winther@srn.is](mailto:otto.winther@srn.is).

Tengiliður sveitarfélags: Óli Jón Hertervig, [oli.jon.hertervig@reykjavik.is](mailto:oli.jon.hertervig@reykjavik.is).

#### 6. gr.


#### Frumrit sammings

Samningur þessi er gerður í tveimur samhljóða eintökum, eitt handa hvorum aðila. Til staðfestu sammingsins rita aðilar nöfn sín undir samning þennan í viðurvist vitundarvotta að réttri dagsetningu og undirskrift.

12. júní 2020

F.h. fjarskiptasjóðs

F.h. Reykjavíkurborgar

  
Haraldur Benediktsson, varaformaður

  
Óli Jón Hertervig, skrifstofustjóri



  
Staðfesting ráðherra

